

ZAKONO

IZMJENAMA I DOPUNAMA ZAKONA O IZVRŠAVANJU BUDŽETA SREDNJOBOSANSKOG KANTONA ZA 2023. GODINU

Član 1.

(Izmjena i dopuna)

U Zakonu o izvršavanju Budžeta Srednjobosanskog kantona za 2023. godinu („Službene novine Srednjobosanskog kantona“, broj 2/23; u daljnjem tekstu: Zakon), u stavu (2) člana 21. riječi: „u iznosu od 363,00 KM“ zamjenjuju se riječima: „u iznosu od 385, 00 KM“, tačka na kraju rečenice zamjenjuje se zarezom te se dodaju riječi: „a primjenjuje se od 1. jula 2023. godine.“

Član 2.

(Izmjena i dopuna)

U članu 26. Zakona dodaje se novi stav (1) koji glasi: „(1) Sredstva utvrđena za 11. razdjel Budžeta, glavu 02, poziciju »Tekući transferi drugim nivoima vlasti i fondovima – sufinansiranje i podrška radu Agencije za privatizaciju u Srednjobosanskom kantonu« koriste se na osnovu odluke Vlade Kantona, na prijedlog Stručne službe Vlade Srednjobosanskog kantona.“

Dosadašnji stav (1) postaje stav (2).

Član 3.

(Izmjena i dopuna)

U članu 29. Zakona iza stava (11) dodaju se stavovi (12) i (13) koji glase: „(12) Sredstva utvrđena za isti razdjel Budžeta, poziciju »Subvencije javnim preduzećima – poticaji privredi za povećanje konkurentnosti« koriste se na osnovu programa koje odobri Vlada Kantona na prijedlog resornoga ministarstva.

(13) Sredstva utvrđena za isti razdjel Budžeta, poziciju »Subvencije privatnim preduzećima i poduzetnicima – za projekte podrške stranim investicijama i zapošljavanju radnika koji se nalaze na privremenom radu u inozemstvu« koriste se na osnovu programa koje odobri Vlada Kantona na prijedlog resornoga ministarstva.“

Dosadašnji stav (12) postaje stav (14) koji se mijenja i glasi: „(14) Sredstva utvrđena za programe iz stavova (1) do (13) ovoga člana izdvajaju se i raspoređuju odlukom Vlade Kantona, na prijedlog resornoga ministarstva.“

Član 4.

(Dopuna)

U članu 31. Zakona iza stava (16) dodaje se stav (17) koji glasi: „(17) Sredstva utvrđena za isti razdjel Budžeta, poziciju »Tekući transferi neprofitnim organizacijama – sufinansiranje odgojno-obrazovne djelatnosti javnih škola na području Srednjobosanskog kantona kojima Srednjobosanski kanton nije osnivač« koriste se na osnovu kriterija koje utvrdi Vlada Kantona na prijedlog resornoga ministarstva.“

Dosadašnji stav (17) postaje stav (18).

Dosadašnji stav (18) postaje stav (19) koji se mijenja i glasi: „(19) Sredstva utvrđena u stavovima (6), (7), (9), (10), (11), (12), (13), (14), (16) i (17) ovoga člana izdvajaju se i raspoređuju odlukama Vlade Kantona, na prijedlog resornoga ministarstva.“

Član 5.

(Dopuna)

U članu 35. Zakona dodaje se stav (2) koji glasi: „(2) Sredstva utvrđena za program iz stava (1) ovoga člana izdvajaju se i raspoređuju odlukom Vlade Kantona, na prijedlog Kantonalne uprave za geodetske i imovinskopravne poslove.“

Član 6.

(Stupanje na snagu)

Ovaj zakon stupa na snagu sljedećega dana od dana objave u „Službenim novinama Srednjobosanskog kantona“, a primjenjivat će se od 1. jula 2023. godine.

Broj: 01-02-614/23

27. juna 2023.

Travnik

PREDSJEDAVAJUĆI SKUPŠTINE

Dražan Matišić, s. r.